

179

北京圖書館

編

北京圖書館藏珍本

年譜

叢刊



□ 北京圖書館 編

北京圖書館藏珍本
年譜叢刊

北京圖書館出版社



第 179 冊

第一七九冊目錄

搗廬氏自編年譜

.....一

鄰蘇老人年譜

.....七一

王先謙自定年譜

.....一六九

翼臣世丈先生像贊

仲玉苗裔篤生賢良學具體用品重
圭璋門多桃李力殫梓桑鄉邦模範
黼序靈光治謀遠大雷業昔皇芝蘭
挺秀杖履徜徉天不慈遺忽遭平陽
湯、郭澤遺德孔長

世愚姪黃世祚敬題

負深木泰山之碩望具光風霽
月之襟懷幸登大虛蘭玉盈階
一編誼錄手自安排樂天之樂
放翁之放超越前人一時無兩
登睥城而西望兮但覺先生之
風實乎其不可尚

翼臣先生遺像

世晚許蘇民拜題



翼臣先生遺象

沈思孚
謹題



為廬主人四十歲畫象贊

滄江之濱曰某良士讀書

不應行已有耻空山人

喻彼蘭芷清言肅王

高文何倚信仰志

抗希公理雖我歲寧

甘酒有醴


光緒三十一年歲在丁丑

五春二月

弟某書於廬識

于誠

某書



自敘

人非聖人誰能無過默計吾生平自幼而壯自壯而老忽忽數十年雖無功業可傳於世而於隣里親族之間凡力所能爲之事無不盡吾力以爲之不敢言功庶無大過吾生不辰親罹水旱之災目擊兵戈之禍長而授徒衣食於奔走館穀所入能有幾何然而仰事俛畜居易俟命未嘗存一苟得之心每讀義田記一篇私慕范文正公之爲人以爲他日吾如是必效其行事孰知悠悠忽忽終無得志之一日不得不以期諸吾身者轉而望諸子孫吾老矣未能有所作爲爰就生平所經歷者編次年譜以留示後人其勿棄之如遺也可

中華民國六年初夏逸叟撫廬氏識

撫廬氏自編年譜

男世亨謹校

道光十八年歲次戊戌二月朔撫廬氏生

予兄弟四人長名以升號怡堂長予四歲次卽以謙號翼臣又號撫廬三未朞而殤四名以泰號飭夫少予十歲伯母陸氏嘗語予曰汝母產汝頗形艱苦以汝踏蓮華生也初生時不聞啼哭良久始甦

溯吾家得姓之初見急就篇童扶疎句下注顓頊之子號老童者其後因以爲姓從父喬倩公硃卷履歷稱吾族自仲玉公之後世居山東查後漢書童恢傳恢父字仲玉硃卷所載殆本於此又云宋紹興中有知山陰縣者名秀以官爲家是爲浙族謹案遷嘉始祖少山公由浙江石門縣東梓村遷居嘉定攜有明萬歷年石門續刻譜舊藏家中予少時猶及見之兵燹以後遺失不可攷矣少山公後五傳生煦亭公爲予之曾祖僑寓蘇城爲臬轅吏生子三長嚴齋公次卽吾祖子霞公三友齋公吾祖卜居錢門塘在

道光十年從兄伯恬甫周歲從姊及予兄弟皆生於錢門塘者也

錢門塘住宅係姚八愚先生之別墅吾祖以六百金購得之廳事曰靜逸軒前後山石森立最高者曰瑞雲峰軒前有廊廊外入門處曰避囂處曲折幽僻西北有樓一所爲內室後有樓曰瑤璫樓

道光十九年己亥予年二歲

道光二十年庚子予年三歲

道光二十一年辛丑予年四歲

九月十六日伯父道生公棄世 公諱善字道生爲吾祖子霞公長子與吾父依

仲公均受知於廖文宗鴻荃於道光十三年科案同懷游泮公習歧黃術居家訓徒行醫曾撰錢門塘鎮志二卷未及成書卒年三十有一時吾父就館吳門聞耗辭歸料理喪事從兄伯恬年僅十三因常隨母歸寧就讀於外祖家

道光二十二年壬寅予年五歲

是年英吉利入寇吳淞守將陳忠愍公化成死之 是時承平日久民不知兵

吾鄉被潰兵蹂躪惶恐異常議和之後許以五口通商而鴉片之害徧中國矣

道光二十三年癸卯予年六歲

時吾父就館城東徐癯鶴家予兄怡堂隨之附讀吾祖在家教予識字孜孜無倦容

道光二十四年甲辰予年七歲

吾父辭徐氏館回里授徒予因體弱多病故平日趨庭訓誨時常寬假焉

道光二十五年乙巳予年八歲

予體差健諸疾全除從此入塾讀書不後於人

道光二十六年丙午予年九歲

道光二十七年丁未予年十歲

五月十九日叔祖友齋公棄世 公諱士芬僑寓蘇城爲臬轅吏以子繼甫公官

贈朝議大夫卒年五十六歲

道光二十八年戊申予年十一歲

五月十一日季弟飭夫生 是年從兄伯恬遷居外岡鎮北街新宅

道光二十九年己酉予年十二歲

從兄伯恬於是年成婚時祖父母在堂設筵於外岡新宅予隨侍父母初學酬應有愆
愚予先自飲者予竟醉而大睡次日尚昏昏如在夢中予之大醉生平惟此舉焉

夏邑中大水 自四月二十九日始霪雨二十日錢門塘廠坐落嘉邑西北鄉最低
窪之區惟顧浦塘岸稍高其西無地不水屋宇倒塌有力者徙市中餘則流離丐食半
作餓殍鎮西北曰柴蕩以其僅出草柴故名與崑山鎮洋兩縣接壤國初以來漸次開
闢而黃茅白蕪尙有二三千畝未墾者至是汪洋若巨浸鎮西數武行舟者可任意所
之顧浦以東郭澤塘以南地形稍高其初霪雨不止鄉民築堤抒水晝夜巡行或鉦或
銃警聲四起迨雨甚而勢不可支矣鄉民無計覓食則質衣服售器皿或折棧棟運磚
甃戕樹木以求售田家積水不能畜豕宰肉易錢每斤祇三四十文田中多魚網得之
每斤售二三十文蔬菜價反昂米愈貴邑侯陳鎔親自履勘分廠舉董籌畫賑荒吾父
與其役撫循調劑不遺餘力惟平糶花米之舉由秦氏任之因其時塘南北秦有田數
千畝又有質庫在鎮爲吾鄉首富故焉

道光三十年庚戌子年十三歲

六經章句畢試筆作文吾父以爲悟性勝於吾兄愛憐備至屬望愈殷

是年予隨吾父送吾兄至崑山應院試嘗遊馬鞍山謁衛文節公祠祠中有許多考客皆常熟籍文節後人

七月初九日伯祖嚴齋公棄世 公諱士莊道光庚子歲貢居南城博學能文嘗

主當湖書院講席卒年六十五歲

咸豐元年辛亥子年十四歲

年來文會頗盛予兄怡堂及衛韞石昆仲均在列予以齒稚不與一日會於滋蘭山館予偶往試之題爲豈不爾思四字錢丈鐵耕評予文云思筆清爽髫年得此洵未易才實過譽也後知韞石之父蓮谿公於是日相攸心傾於予予固茫然未之覺也

咸豐二年壬子子年十五歲

是年吾父爲吾兄怡堂授室王氏

冬間予隨兄應縣試同考者四百餘人案發招覆未應

咸豐三年癸丑子年十六歲

二月學使何桂清按臨崑山予隨兄赴試吾父送焉

三月粵匪陷金陵踞之 廣西洪逆擾亂數省至是竄入江南

八月青浦亂民周烈春踞嘉定城旋即克復 烈春本青浦塘灣地保青浦縣

令余龍光酷比奉豁條漕衆心恒懼熿烈春舉事以紅巾裹首遂於八月初三日占踞嘉城先是盜劫南翔大德寺寺僧訴諸巡道道飭縣捕徐耀等站木籠中朝禁暮釋者兩月七月十一日耀黨百人入署劫掠知縣馮翰踰牆逃至是耀等結周烈春踞嘉城署縣令鄭揚旌及文武員弁盡逸紳富未出城者被脅獲財無算蘇撫許乃釗檄吳縣令丁國恩進勦舉人吳林募義兵導之三日而復獲首逆正法城未復時賊衆攻太倉道經外岡葛隆不成行伍不知步伐太城守兵無幾州牧蔡映斗欲走或開一礮轟斃數賊賊即退官兵之復嘉城也賊鮮巷戰者束手受刃如宰羊豕獲周烈春於西隱寺之北烈春擲番餅數百於地以冀倖脫卒就擒踞上海之賊賄通洋人購有鎗礮兵不能破中丞坐是落職吉爾杭代之乙卯正月城復賊皆爲洋人縱去

咸豐四年甲寅子年十七歲

是時民心思亂常有聚衆抗租之事六里橋廠董傅少堂曾佐吳孝廉募勇復邑城有功至是解滋事者四人求治縣令莫元遂不問釋之奸民勢益猖火傳董居鳴鉦聚衆白晝劫掠道路以目從父韞甫公往白許中丞乃釗委卽用知縣劉郇膏治之駐兵祁岡斬十餘人亂以定

咸豐五年乙卯子年十八歲

咸豐六年丙辰子年十九歲

夏大旱 鎮北顧浦有數十丈乾涸無水地生毛長二三寸飛蝗食禾吾父承辦廠務運穀振饑竭盡心力

咸豐七年丁巳子年二十歲

春蠅生吾父募錢設局收蠅埋之蝗乃絕種

予作二十述懷一首雜感四首錄左

青雲有路幾人爭獨學無朋孰共評處世多愆臨事懼前程屢阻問心平蛾猶時述

功奚盡鳥未高飛倦敢生弱冠光陰今已是終軍何日請長纓

富貴流名易貧賤結交難古無光武帝誰識嚴陵灘蘇季黃金盡妻嫂莫爲餐買臣
困負薪伉儷不相安翟公廢廷尉舊友歟交權趨炎比比是人情可浩歎

留侯逢老人圯下甘納履淮陰遇少年袴下任指使能忍斯有爲英雄類如此但求
展大才不復恤小恥勲業冠當時鴻名垂青史

吾哀賈生志鵬鳥讀佳賦卒以憂戕身不待明主悟吾仰正平才鸚鵡誦妙句入世
言不慎終觸奸雄怒兩君盡賢豪千載悲遭遇得失鑒前車持躬庶無誤

焦桐辱爨下逸響中郎知良馬負鹽車駿足孫陽奇自古有眞賞不患明珠遺達人
自安命君子慎始基螻蟻知勤勉春蠶工吐絲讀書期致身勿負駒隙馳

是年吾父命吾兄怡堂從管師倚巖學習岐黃術

咸豐八年戊午予年二十一歲

正月元配楊氏來歸 時吾祖年屆七十有一又以去秋吾兄怡堂生子世選四代

同堂賀者盈門